

四庫全書

集部

欽定四庫全書

御定全唐詩卷三百六十

劉禹錫

白舍人自杭州寄新詩有柳色春藏蘇小家之  
句因而戲酬兼寄浙東元相公

錢塘山水有奇聲暫謫仙官領百城  
女妓還聞名小小使君誰許喚卿卿  
鼉驚震海風雷起蜃鬪噓天樓閣成  
莫道騷人在三楚文星今向斗牛明

春日書懷寄東洛白二十二楊八二庶子

曾向空門學坐禪如今萬事盡忘筌  
眼前名利同春夢醉裏風情敵少年  
野草芳菲紅錦地遊絲撩亂碧羅天  
心知洛下閔才子不作詩魔即酒

一作  
醉顛

白舍人見酬拙詩因以寄謝

雖陪三品散班中資歷從來事不同  
名姓也曾鐫石柱詩篇未得上屏風  
甘陵舊黨凋零盡魏闕新知禮數崇  
煙水五湖如有伴猶應堪作釣魚翁

白舍人曹長寄新詩有遊宴之盛因以戲酬

蘇州刺史例能詩西掖今來替左司二八城門開道路  
五千兵馬引旌旗水通山寺笙歌去騎過虹橋劍戟隨

若共吳王鬪百草不如應

一作是  
知惟

是欠西施

蘇州白舍人寄新詩有歎早白無兒之句因以  
贈之

莫嗟華髮與無兒却是人間

一作  
生

久遠期雪裏高山頭

白早海中仙果子生遲于公必有高門慶謝守何煩曉

鏡悲幸免如新分非淺祝君長詠夢熊詩

高山本高於門使之高二

義故殊古之  
詩流曉此

酬樂天揚州初逢席上見贈

巴山楚水淒涼地二十三年棄置身  
懷舊空吟聞  
遂賦到鄉翻似爛柯人  
沈舟側畔千帆過  
病樹前頭萬木春  
今日聽君歌一曲  
暫憑杯酒長精神

罷郡歸洛途次山陽留辭郭中丞使君

自到山陽不許辭  
高齋日夜有佳期  
管絃正合看書院

語笑方酣各詠詩  
銀漢雪晴褰翠幙  
清淮月影落金卮  
洛陽歸客明朝去  
客趣城東花發時

楚州開元寺北院枸杞臨井繁茂可觀羣賢賦  
詩因以繼和

僧房藥樹依寒井  
井有香泉樹有靈  
翠黛葉生籠石甃  
殷紅子熟照銅瓶  
枝繁本是仙人杖  
根老新成瑞犬形  
上品功能甘露味  
還知一勺可延齡

和樂天鸚鵡

養來鸚鵡背初紅宜在朱樓繡戶中頻學喚人緣性慧  
偏能識主為情通歛毛睡足難銷日彈翅愁時願見風  
誰遣聰明好顏色事須安枕入深籠

洛中逢白監同話遊梁之樂因寄宣武令狐相  
公

曾經謝病各遊梁今日相逢憶孝王少有一身兼將相  
更能四面占文章開顏坐上催飛蓋迴首庭中看舞槍  
借問風前兼月下不知何客對胡床

河南王少尹宅燕張常侍白舍人兼呈盧郎中  
李員外二副使

將星夜落使星來三省清臣到外臺事重各銜天子詔  
禮成同把故人盃捲簾松竹雪初霽滿院池塘春欲回  
第一林亭迎好客殷勤莫惜玉山頽

和宣武令狐相公郡齋對新竹

新竹脩脩韻曉風隔窗依砌尚蒙籠數間素壁初開後  
一段清光入坐中欹枕閒看知自適含毫胡詠與誰同

此君若欲長相見政事堂東有舊叢

和樂天送鶴上裴相公別鶴之作

昨日看成送鶴詩高籠提出白雲司朱門乍入應迷路  
玉樹容棲莫揀枝雙舞庭中花落處數聲池上月明時  
三山碧海不歸去且向人間呈羽儀

闕下待傳點呈諸同舍

禁漏晨鐘聲欲絕旌旗組綬影相交殿舍佳氣當龍首  
閣倚晴天見鳳巢山色葱籠丹檻外霞光泛灩翠松梢

多慙再入金門籍不敢為文學解嘲

和樂天以鏡換酒

把取菱花百鍊鏡換他竹葉十旬杯  
頰眉厭老終難去  
醮甲須歡便到來  
妍醜太分迷  
忌諱松喬俱傲絕  
嫌猜  
校量功力相千萬  
好去從空白玉臺

同樂天送河南馮尹學士

可憐五

一作五

馬風流地暫輟金貂侍從才閣上掩書劉

向去門前修刺孔融來

馮自館閣出  
為河南尹

峭陵路靜寒無雨

洛水橋長畫起雷共

一作却

美府中棠棣好先於城外百

花開

時公伯仲四人竝以顯官居雄士宗榮之

同白二十二贈王山人

愛名之世忘名客多事之時無事身古老相傳見來久  
歲年雖變貌常新飛章上達三清路受錄平交五嶽神  
笑聽蓼蓼朝暮鼓只能催得市朝人

題集賢閣

鳳池西畔圖書府玉樹玲瓏景氣閒長聽餘風送天樂

時登高閣望人寰  
青山雲繞欄杆外  
紫殿香來步武間  
曾是先賢翔集地  
每看壁記一慙顏

和令狐相公初歸京國賦詩言懷

凌雲羽翮挾天才

一作  
敬

歷中樞與外臺  
相印昔辭東

閣去將星還拱北辰來  
殿庭捧日影纓入閣道  
看山曳履回口不言  
功心自適吟詩釀酒待花開

和樂天南園試小樂

閑步南園煙雨晴  
遙聞絲竹出牆聲  
欲拋丹筆三川去

金少四八  
卷三百六十一  
先教清商一部成花木手栽偏有興歌詞自作別生情  
多才遇景皆能詠當日人傳滿鳳城

答樂天戲贈

才子聲名白侍郎風流雖老尚難當詩情逸似陶彭澤  
齋日多如周太常矻矻將心求淨法時時偷眼看春光  
知君技癢思歡讌欲倩天魔破道場

同樂天送令狐相公赴東都留守

自戶部  
尚書拜

尚書劔履出明光居守旌旗赴洛陽世上功名兼將相

人間聲價是文章，衙門曉闢分天仗。  
賓幕初開辟省郎，從發坡頭向東望。  
春風處處有甘棠，自華陵至河南皆故林也

刑部白侍郎謝病長告改賓客分司以詩贈別

鼎食華軒到眼前，拂衣高謝豈徒然。  
九霄路上辭朝客，四皓叢中作少年。  
他日卧龍終得雨，今朝放鶴且冲天。  
洛陽舊有衡茆在，亦擬抽身伴地仙。

和留守令狐相公答白賓客

麥隴一作蛟龍和風吹樹枝，高山逸客出關時。  
身無拘束起

長晚路足交親行自遲官拂象筵終日待私將雞黍幾  
人期君來不用飛書報萬戶先從紙貴知

酬鄆州令狐相公官舍言懷見寄兼呈樂天

詞人各在一涯居聲味雖同跡自疎佳句傳因多好事  
尺題稀為不便書已通戎畧逢黃石仍占星文耀碧虛  
聞說朝天在來歲霸陵春色待行車

吟白樂天哭崔兒二篇愴然寄贈

吟君苦調我霓纓能使無情盡有情四望車中心未釋

千秋亭下賦初成，庭梧已有棲雛處。池鶴今無子和聲，從此期君比瓊樹。一枝吹折一枝生。

答樂天所寄詠懷且釋其枯樹之歎

衙前有樂饌，常精宅內連。池酒任傾自，是官高無狎客。不論年長少，歡情驪龍頷。被探珠去老蚌，胚還應月生。莫羨三春桃，與李桂花成。實向秋榮。

赴蘇州酬別樂天

吳郡魚書下，紫宸長安廐。吏送朱輪二，南風化承遺。愛

八詠聲名躡後塵梁氏夫妻為寄客陸家兄弟是州民  
江城春日追遊處共憶東歸舊主人

福先寺雪中酬別樂天

龍門賓客會龍宮東去旌旗駐上東二八笙歌雲幕下  
三千世界雪花中離堂未暗排紅燭別曲含淒颺晚風  
才子從今一分散便將詩詠向吳儂

和樂天耳順吟兼寄敦詩

吟君新什慰蹉跎屈指同登耳順科鄧禹功成三紀事

孔融書就八年多已經將相誰能爾拋却丞郎爭柰何  
獨恨長洲數千里且隨魚鳥泛煙波

和白侍郎送令狐相公鎮太原

十萬天兵貂錦衣晉城風日斗生輝行臺僕射深恩重  
從事中郎舊路歸疊鼓威成汾水浪閃旗驚斷塞鴻飛  
邊庭自此無烽火擁節還來坐紫微

酬樂天見寄

元君後輩先零落崔相同年不少留華屋坐來能幾日

夜臺歸去便千秋背時猶自居三品

三川吳  
郎品同

得老終須

卜一丘

投老之日願  
與樂天為鄰

若使吾徒還早達亦應簫鼓入松

楸

樂天寄重和晚達冬青一篇因成再答

風雲變化饒年少光景蹉跎屬老夫  
秋隼得時凌汗漫  
寒龜飲氣受泥塗  
東隅有失誰能免  
北叟之言豈便無  
振臂猶堪呼一擲  
爭知掌下不成盧

河南白尹有喜崔賓客歸洛兼見懷長句因而

繼和

幾年侍從作名臣却向青雲索得身朝士忽為方外士  
主人仍是眼中人雙鸞遊處天京好五馬行時海嶠春  
遙羨光陰不虛擲肯令絲竹暫生塵

和楊師臯給事傷小姬英英

見學胡琴見藝成今朝追想幾傷情撚弦花下呈新曲  
放撥燈前謝改名但是好花皆易落從來尤物不長生  
鸞臺夜直衣衾冷雲雨無因入禁城

和樂天洛下醉吟寄太原令狐相公兼見懷長

句

舊相臨戎非稱意詞人作尹本多情從容自使邊塵靜  
談笑不聞桴鼓聲章句新添塞下曲風流舊占洛陽城  
昨來亦有吳趨詠惟寄東都與北京

郡齋書懷寄江南白尹兼簡分司崔賓客

謾讀圖書三十車年年為郡老天涯一生不得文章力  
百口空為飽煖家綺季衣冠稱鬢面吳公政事副詞華

還思謝病吟歸去同醉城東桃李花

題于家公主舊宅

樹繞荒臺葉滿池簫聲一絕草蟲悲鄰家猶學宮人髻  
園客爭偷御果枝馬埒蓬蒿藏狡兔鳳樓煙雨嘯愁鴉  
何郎獨在無恩澤不似當初傅粉時

酬樂天見貽賀金紫之什

久學文章含白鳳却因政事賜金魚郡人未識聞謠詠  
天子知名與詔書珍重賀詩呈錦繡願言歸計竝園廬

舊來詞客多無位，金紫同遊誰得如。

樂天見示傷微之敦詩晦叔三君子皆有深分，因成是詩以寄。

吟君歎逝雙絕句，使我傷懷奏短歌。世上空驚故人少，集中惟覺祭文多。芳林新葉催陳葉，流水前波讓後波。萬古到今同此恨，聞琴淚盡欲如何。

和樂天柘枝

柘枝本出楚王家，玉面添嬌舞態奢。鬆一作鬢鬢改梳鸞

鳳髻新衫別織鬪雞紗鼓催殘拍腰身軟汗透羅衣雨  
點花畫筵曲罷辭歸去

一作畫席曲  
殘辭別去

便隨王母上煙霞

和樂天題真娘墓

蒼苔林中黃土堆羅襦繡黛已成灰芳魂雖死人不怕  
蔓草逢春花自開幡蓋向風疑舞袖鏡燈臨曉是粧臺  
吳王嬌女墳相近一片行雲應往來

客有話汴州新政書事寄令狐相公

天下烟喉今大寧軍城喜氣徹青冥庭前劔戟朝迎日

筆底文章夜應星三省壁中題姓字萬人頭上見儀形  
汴州忽復承平事正月看燈戶不扃

令狐相公見示河中楊少尹贈答兼命繼之

兩首新詩百字餘朱絃玉磬韻難如漢家丞相重徵後  
梁苑仁風一變初四面諸侯瞻節制八方通貨溢河渠

自從郤

一作郤

穀為元帥大將歸來盡把書

和令狐相公送趙常盈鍊師與中貴人同拜嶽  
及天台投籠畢即赴京

銀璫謁者引蛺旌霞帔仙宮到赤城白鶴迎來天樂動  
金龍擲下海神驚元君伏奏歸中禁武帝親齋禮上清  
何事夷門請詩送梁王文字上聲名

酬令狐相公贈別

越聲長苦有誰聞老向湘山與楚雲海嶠新辭永嘉守  
夷門重見信陵君田園松菊今迷路霄漢鴛鴻久絕羣  
幸遇甘泉尚詞賦不知何客薦雄文

酬令狐相公寄賀遷拜之什

遶迴二紀重為郎洛下遙分列宿光不見當花呼早起  
曾無侍史與焚香三花秀色通春幌十字清波遶宅塘  
白髮青衫誰比數相憐只是有梁王

相公昔以大僚分  
司故有同病相憐

之句

夏日寄宣武令狐相公

長憶梁王逸興多西園花盡興如何近來溽暑侵亭館  
應覺清談勝綺羅境入篇章高韻發風穿號令衆心和  
承明欲謁先相報願拂朝衣逐曉珂

酬令狐留守巡內至集賢院見寄

仙院文房隔舊宮當時盛事盡成空墨池半在頽垣下  
書帶猶生蔓草中巡內因經九重苑裁詩又繼二南風  
為兄手寫殷勤句遍歷三台各一通

和令狐相公言懷寄河中楊少尹

章句慙非第一流世間才子昔陪遊吳宮已歎芙蓉死

張司業詩云吳宮四面秋  
江水天青露白芙蓉死

邊月空悲蘆管秋

李白書

任向

洛陽稱傲吏

分司白  
賓客

苦教河上領諸侯

天平  
相公

石渠甘對

圖書老闕外揚公安穩不

令狐相公自天平移鎮太原以詩申賀

相公昔為并州

從事

北都留守將天兵出入香

一作天

街宿禁扃鞞鼓夜聞驚

朔鴈旌旗曉動拂參星孔璋舊檄家家有叔度新歌處處聽夷落遙知真漢相爭來屈膝看儀刑

重酬前寄

邊烽寂寂盡收兵宮樹蒼蒼靜掩扃戎羯歸心如內地

天狼無角比凡星，新成麗句開緘後，便入清歌滿坐聽。

吳苑晉祠遙望處，可憐南北太

大一作

相形

令狐相公自太原累示新詩，因以酬寄

飛蓬卷盡塞雲寒，戰馬閒嘶漢地寬。  
萬里胡天無警急，一籠烽火報平安。  
燈前妓樂留賓宴，雪後山河出獵看。  
珍重新詩遠相寄，風情不似四登壇。

酬令狐相公使宅別齋初栽桂樹見懷之作

清淮南岸家山樹，黑水東邊第一栽。  
影近畫梁迎曉日

香隨綠酒入金杯，根留本土依江潤。  
葉起寒稜映月開，早晚陰成比梧竹。  
九霄還放彩雛一作來

酬令狐相公見寄

才兼文武播雄名，遺愛芳塵滿洛城。  
身在行臺為僕射，書來角里訪先生。  
閑遊占得嵩山色，醉卧高聽洛水聲。  
千里相思難命駕，七言詩裏寄深情。

郡內書情獻裴侍中留守

功成頻獻乞身章，擺落襄陽鎮洛陽。  
萬乘旌旗分一半

八方風雨會中央  
兵符今奉黃公畧  
書殿曾隨翠鳳翔  
心寄華亭一雙鶴  
日陪高步繞池塘

酬樂天衫酒見寄

酒法衆傳吳米好  
舞衣偏尚越羅輕  
動搖浮蟻香濃甚  
裝束輕鴻意態生  
閱曲定知能自適  
舉杯應歎不同傾  
終朝相憶終年別  
對景臨風無限情

自左馮歸洛下酬樂天兼呈裴令公

新恩通籍在龍樓  
分務神都近舊丘  
自有園公紫芝侶

時賓行四人  
盡在洛中

仍追少傅赤松遊華林霜葉紅霞晚伊水

晴光碧玉秋更接東山文酒會始知江左未風流

王儉  
云江

左風流宰相  
唯有謝安

秋齋獨坐寄樂天兼呈吳方之大夫

空齋寂寂不生塵藥物方書繞病身  
纖草數莖勝靜地幽禽忽至似嘉賓  
世間憂喜雖無定釋氏消磨盡有因  
同向洛陽閔度日莫教風景屬他人

和樂天齋戒月滿夜對道場偶懷詠

常修清淨去繁華人識王城長者家  
案上香煙鋪貝葉  
佛前燈焰透蓮花  
持齋已滿招閤客  
理由先聞命小娃  
明日若過方丈室  
還應問為法來耶

吳方之見示獨酌小醉首篇樂天續有酬答皆  
含戲謔極至風流兩篇之中竝蒙見屬輒呈濫  
吹益美來章

閤門共寂任張羅  
靜室同虛養太和  
塵世歡娛開意少  
醉鄉風景獨遊多  
散金疏傅尋常樂  
枕麴劉生取次歌

計會雪中爭挈榼，鹿裘鶴氅遞相過。

酬樂天齋滿日裴令公置宴席上戲贈

一月道場齋戒滿，今朝華幄管絃迎。  
銜杯本自多狂態，事佛無妨有佞名。  
酒力半酣愁已散，文鋒未鈍老猶爭。  
平陽不獨容賓醉，聽取喧呼吏舍聲。

酬樂天偶題酒瓮見寄

從一作是君勇斷拋名後，世路榮枯見幾回。  
門外紅塵人

自走瓮頭清酒我，初開三冬學任胸。  
中有萬戶侯須骨

上來何幸相招同醉處洛陽城裏好池臺

酬樂天請裴令公開春加宴

高名大位能兼有恣意遨遊是特恩  
二室烟霞成步障  
三川風物是家園  
晨窺苑樹韶光動  
晚度河橋春思繁  
弦管常調客常滿  
但逢花處即開樽

樂天示過敦詩舊宅有感一篇吟之泫然追想  
昔事因成繼和以寄苦懷

淒涼同到故人居  
門枕寒流古木疎  
向秀心中嗟棟宇

蕭何身後散圖書本營歸計非無意唯算生涯尚有餘  
忽憶前言更惆悵丁寧相約速懸車

敦詩與予及樂天  
三人同甲子平生

相約同  
休洛中

寄和東川楊尚書慕巢兼寄西川繼之二公近  
從弟兄情分偏睦早忝遊舊因成是

太平蓮峯降嶽靈兩川棠樹接郊坰政同兄弟人人樂  
曲奏墳荒處處聽揚葉百穿榮會府芝泥五色耀天庭  
各拋筆硯誇旄鉞莫遣文星讓將星

和樂天洛下雪中宴集寄汴州李尚書

洛城無事足杯盤  
風雪相和歲欲闌  
樹上因依見寒鳥  
坐中收拾盡閒官  
笙歌要請頻何爽  
笑語忘機拙更歡  
遙想兔園今日會  
瓊林滿眼映旂竿

和牛相公遊南莊醉後寓言戲贈樂天兼見示  
城外園林初夏天  
就中野趣在西偏  
薔薇亂發多臨水  
鷓鴣雙遊不避船  
水底遠山雲似雪  
橋邊平岸草如煙  
白家唯有杯觴興  
欲把頭盤打少年

樂天以愚相訪沽酒致歡因成七言聊以奉答  
少年曾醉酒旗下同輩黃衣領亦黃蹴踏青雲尋入仕  
蕭條白髮且飛觴令徵古事歡生雅客到閒人興任狂  
猶勝獨居荒草院蟬聲聽盡到寒螿



御定全唐詩卷三百六十

欽定四庫全書

集部

御定全唐詩卷三百六十一至  
三

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官學正臣李巖

謄錄監生臣任嘉春

欽定四庫全書

御定全唐詩卷三百六十一

劉禹錫

和思黯憶南莊見示

丞相新家伊水頭  
智囊心匠日增修  
化成池沼無痕跡  
奔走清波不自由  
臺上看山徐舉酒  
潭中見月慢回舟  
從來天下推尤物  
合屬人間第一流

酬思黯見示小飲四韻

拋却人間第一官俗情驚怪我方安兵符相印無心戀  
洛水嵩雲恣一作意者三足鼎中知味久百尋竿上擲  
身難追呼故舊連宵飲直到天明興未闌

和僕射牛相公春日閒坐見懷

官曹崇重難頻入第宅清閒且獨行階蟻相逢如偶語  
園蜂速去恐違程人於紅藥惟看色鶯到垂楊不惜聲  
東洛池臺怨拋擲移文非久會應成

違一作遲惟看  
色一作偏憐色

酬元九侍御贈壁竹鞭長句

碧玉孤根生在林，美人相贈比雙金。  
初開郢客緘，封後想見巴山冰雪深。  
多節本懷端直性，露青猶有歲寒心。  
何時策馬同歸去，闕樹扶疎敲鐙吟。

酬竇員外使君寒食日途次松滋渡先寄示四

韻

楚鄉寒食橘花時，野渡臨風駐綵旗。  
草色連雲人去住，水紋如縠燕差池。  
朱輪尚憶羣飛雉，青綬初懸左顧龜。  
非是湓城舊司馬，水曹何事與新詩。

時有水部郎出故

寄揚八拾遺

時出為國子主簿分司東都韓十八員外亦轉國子博士同在洛陽

聞君前日獨庭爭漢帝偏知白馬生忽領簿書遊太學  
寧勞侍從厭承明洛陽本自宜才子海內而今有直聲  
為謝同僚老博士范雲來歲即公卿

酬竇員外郡齋宴客偶命柘枝因見寄兼呈張

十一院長元侍御

員外時兼節度判官佐平蠻之畧張初罷都官元方從事

分憂餘刃又從公白羽胡床嘯咏中綵筆諭戎矜倚馬  
華堂留客看驚鴻渚宮油幕方高步灃浦甘棠有幾叢

若問騷人何處所，門臨寒水落江楓。

謝竇員外旬休早涼見示詩

奉書報詰  
朝有宴

新秋十日澣朱衣，鈴閣無聲公吏歸。  
風韻漸高梧葉動，露光初重槿花稀。  
四時冉冉催容鬢，三爵油油一作  
曠曠忘是非。  
更報明朝池上酌，人知太守字玄暉。

南海馬大夫遠示著述兼酬拙詩，  
輒著微誠，再有長句時蔡戎未弭，故見於篇末。

漢家旄節付雄才，百越南溟統外臺。  
身在絳紗傳六藝，

腰懸青綬亞三台連天浪靜長鯨息映日帆多寶舶來  
聞道楚氛猶未滅終須旌旆掃雲雷

和南海馬大夫聞揚侍郎出守郴州因有寄上  
之作

忽驚金印駕朱轡遂別鳴珂聽曉猿碧落仙來雖暫謫  
赤泉侯在是深恩玉環慶遠瞻台坐銅柱勲高壓海門  
一詠瓊瑤百憂散何勞更樹北堂萱

馬大夫見示浙西王侍御贈答詩因命同作

序并

大夫榮踐舊府又歷交趾桂林南人歌之列在風  
什王侍御公易一別歲餘寄末篇以代扎

憶逐羊車凡幾時今來舊府統一作總戎師象筵照室會

詞客銅鼓臨軒舞海夷百越酋豪稱故吏十洲風景助  
新詩秣陵從事何年別一見瓊章如素期

寄唐州楊八歸厚

淮安古地擁州師畫角金鏡旦夕吹淺草遙迎鷺鷥馬  
春風亂颭辟邪旗謫仙年月今應滿戇諫聲名衆所知

何況遷喬舊同伴一雙先入鳳凰池

時徐晦楊嗣復二人舍人與唐州同年

第及

寄朗州溫右史曹長

暫別瑤墀鴛鴦行綵旗雙引到沅湘城邊流水桃花過  
簾外春風杜若香史筆枉將書紙尾朝纓不稱濯滄浪  
雲臺公業家聲在徵詔何時出建章

訓揚司業巨源見寄

碎雍流水近靈臺中有詩篇絕世才渤海歸人將集去

梨園弟子請詞來，瓊枝未識魂空斷。  
寶匣初臨手自開，莫道專城管雲雨。  
其如心似不然灰。

誄國子崔博士立之見寄

健筆高科早絕倫，後來無不揖芳塵。  
遍看今日乘軒客，多是昔年呈卷人。  
胄子執經瞻講坐，郎官共食接華茵。  
煩君遠寄相思曲，慰問天南一逐臣。

張郎中籍遠寄長句開緘之日已及新秋因舉  
目前仰酬高韻

南宮詞客寄新篇清似湘靈促柱弦京邑舊遊勞夢想  
歷陽秋色正澄鮮雲銜日脚成山雨風駕潮頭入渚田  
對此獨吟還獨酌知音不見思愴然

浙東元相公書歎梅雨鬱蒸之候因寄七言

稽山自與岐山別何事連年鷺鷥飛百辟商量舊相入  
九天祇候老臣歸平湖晚泛窺清鏡高閣晨開掃翠微  
今日看書最惆悵為聞梅雨損朝衣

酬嚴給事賀加五品兼簡同制水部李郎中

九天雨露傳青詔八舍郎官換綠衣初佩銀魚隨仗入  
宜乘白馬退朝歸彫盤賀喜開瑤席綵筆題詩出鎖闈  
聞道水曹偏得意霞朝霧夕有光輝

裴相公大學士見示答張秘書謝馬詩并羣公  
屬和因命追作

草玄門戶少塵埃丞相并州寄馬來初自塞垣銜首偕  
忽行幽徑破莓苔尋花緩轡威遲一作去帶酒垂鞭躩

蹠回不與王侯與詞客知輕富貴重清才

奉和裴侍中將赴漢南留別座上諸公

金貂曉出鳳池頭，玉節前臨南雍州。  
暫輟洪鑪觀劍戟，還將大筆注春秋。  
管絃席上留高韻，山水途中入勝遊。  
峴首風煙看未足，便應重拜富民侯。

和蘇郎中尋豐安里舊居寄主客張郎中

漳濱卧起恣閑遊，宣室徵還未白頭。  
舊隱來尋通德里，新篇寫出畔牢愁。  
池看科斗成文字，鳥聽提壺憶獻酬。  
同學同年又同舍，許君雲路并華輈。

訓浙東李侍郎越州春晚即事長句

越中藹藹繁華地秦望峰前禹穴西湖草初生邊鴈去  
山花半謝杜鵑啼青油畫卷臨高閣紅旆晴翻繞古堤  
明日漢庭徵舊德老人爭出若耶溪

訓淮南牛相公述舊見貽

少年曾忝漢庭臣晚歲空餘老病身初見相如成賦日  
尋為丞相掃門人追思往事咨嗟久喜奉清光笑語頻

猶有登朝

一作  
當時

舊冠冕待公三入拂埃塵

牛相再入中  
書故以三八

之期

和僕射牛相公追感韋裴六相登庸皆四十餘  
未五十薨歿豈早榮早枯之義今年將六十猶  
粗強健因親故勸酒率然成篇并見寄之作

坐鎮清朝獨殷然閤徵故事數前賢用才同踐鈞衡地  
稟氣終分大小年威鳳本池思泛泳仙查舊路望回旋  
猶憐綺季深山裏唯有松風與石田

和僕射牛相公以離闕庭七年班行親故亡歿

十無一人再覩龍顏喜慶雖極感歎風燭能不  
愴然因成四韻并示集賢中書二相公所和

久辭龍闕擁紅旗喜見天顏拜赤墀三省英僚非舊侶  
萬年芳樹長新枝交朋接武居仙院幕客追風入鳳池  
雲母屏風即施設可憐榮耀冠當時

和僕射牛相公見示長句

靜得天和興自濃不緣官達性靈慵大鵬六月有閭意  
仙鶴千年無躁容流輩盡來多歎息官班高後少過從

唯應加築露臺上  
賸見終南雲外峰

和牛相公雨後寓懷見示

金火交爭正抑揚  
蕭蕭飛雨助清商  
曉看紈扇恩情薄  
夜覺紗燈刻數長  
樹上早蟬纔發響  
庭中百草已無光  
當年富貴亦惆悵  
何況悲翁髮似霜

和陳許王尚書酬白少傅侍郎長句因通簡汝洛舊遊之什

寥廓高翔不可追  
風雲失路蹇相隨  
方同洛下書生詠

又見軍前大將旗雪裏命賓開玉帳飲中請號駐金卮  
竹林一自王戎去嵇阮雖貧興未衰

和僕射牛相公寓言二首

兩度竿頭立定誇回眸舉袖拂青霞盡拋今日貴人樣  
復振前朝名相家御史定來休直宿尚書依舊趨參衙  
具瞻尊重誠無敵猶憶洛陽千樹花

心如止水鑒常明見盡人間萬物情鵬鷲騰空猶逞俊  
驂騑啣足自無驚時來未覺權為崇貴了方知退是榮

只恐重重世緣在事須三度副蒼生

訓太原狄尚書見寄

家聲烜赫冠前賢時望穹崇鎮北邊  
身上官銜如座主幕中談笑取同年  
幽并俠少趨鞭弭燕趙佳人奉管弦  
仍把天兵書號筆遠題長句寄山川

訓宣州崔大夫見寄

白衣曾拜漢尚書今日恩光到敝廬  
再入龍樓稱綺季應緣狗監說相如  
中郎南鎮權方重內史高齋興有餘

遙想敬亭春欲暮  
百花飛盡柳花初

訓皇甫十少尹暮秋久雨喜晴有懷見示

雨餘獨坐卷簾帷  
便得詩人喜霽詩  
搖落從來長年感  
慘舒偏是病身知  
掃開雲霧呈光景  
流盡潢汙見路岐  
何況菊香新酒熟  
神州司馬好狂時

再授連州至衡陽酬柳柳州贈別

去國十年同赴召  
渡湘千里又分歧  
重臨事異黃丞相  
三黜名慙柳士師  
歸目併隨回鴈盡  
愁腸正遇斷猿時

桂江東過連山下相望長吟有所思

望夫山

何代提戈去不還獨留形影白雲間肌膚銷盡雪霜色  
羅綺點成苔蘚斑江燕不能傳遠信野花空解妒愁顏  
近來豈少征人婦笑採蘼蕪上北山

懷妓

前三首一作劉  
損詩題作憤惋

玉釵重合兩無緣魚在深潭鶴在天得意紫鸞休

一作  
辭

舞鏡能言青鳥罷

一作  
斷

銜賤金盆已覆難收水玉軫長

拋不續絃若向薜蘿山下過遙

一作空

將紅

一作狂

淚灑窮

泉

鸞飛遠樹棲何處鳳得新巢想稱心紅壁

一作粉

尚留香

漠漠碧雲初斷信沈沈情知

一作那堪

點污投泥玉猶自

一作

更嬾

經營買笑金從此山頭似人石丈夫形狀淚痕深

但曾行處遍尋看雖是生離死一般買笑樹邊花已老  
畫眉窓下月猶殘雲藏巫峽音容斷路隔星橋過往難  
莫怪詩成無淚滴盡傾東海也須乾

三山不見海沈沈豈有仙蹤更可尋青鳥去時雲路斷  
姮娥歸處月宮深紗窓遙想春相憶書幌誰憐夜獨吟  
料得夜來天上鏡只應偏照兩人心

答東陽于令寒碧圖詩

東陽令于興宗丞相燕國公之猶子生綺襦紈袴  
間所見皆貴盛而孳然有心如山東書生前年白  
有司願為親民官以自効遂補東陽及莅官以簡  
易為治故多暇日一旦於縣五里偶得竒境埋沒

於翳薈中于生自以有特操而生於公侯家由覆  
蔭入仕常忽忽歎息因移是心開挾泉石芟去蘿  
蔦斧凡材畚息壤而清溪翠岩森立坐來因構亭  
其端題曰寒碧碧流貫於庭中如青龍蜿蜒冰去聲  
徹射人樹石雲霞列於前昏旦萬狀惜其居地不  
得有聞於時故圖之來乞辭既無負尤物予亦久  
翳蘿蔦者睹之慨然遂賦七言以貽後之文士

東陽本是佳山水何況曾經沈隱侯化得邦人解吟詠

如今縣令亦風流  
新開潭洞疑仙境  
遠寫丹青到雍州  
落在尋常畫師手  
猶能三伏凜生秋

麻姑山

曾遊仙蹟見豐碑  
除却麻姑更有誰  
雲蓋青山龍卧處  
日臨丹洞鶴歸時  
霜凝上界花開晚  
月冷中天果熟遲  
人到便須拋世事  
稻田還儼種靈芝

自江陵沿流道中

三千三百西江水  
自古如今要路津  
月夜歌謠有漁父

風天氣色屬商人沙村好處多逢寺山葉紅時覺勝春  
行到南朝征戰地古來名將盡為神

陸遜甘寧  
皆有祠宇

### 別夔州官吏

三年楚國巴城守一去揚州揚子津青帳聯延喧驛步  
白頭俯偃到江濱巫山暮色常含雨峽水秋來不恐人  
惟有九歌詞數首里中留與賽蠻神

### 魚復江中

扁舟盡室貧相逐白髮藏冠鑷更加遠水自澄終日綠

晴林長落過春花客情浩蕩逢鄉語詩意留連重物華  
風牆好住貪程去斜日青帘背酒家

巫山神女廟

巫山十二鬱蒼蒼片石亭亭號女郎曉霧乍開疑卷幔  
山花欲謝似殘妝星河好夜聞清佩雲雨歸時帶異香  
何事神仙九天上人間來就楚襄王

柳絮

飄颻南陌起東鄰漠漠濛濛暗度春花巷暖隨輕舞蝶

玉樓晴拂艷妝人  
縈迴謝女題詩筆  
點綴陶公漉酒巾  
何處好風偏似雪  
隋河隄上古江津

贈同年陳長史員外

明州長史外臺郎  
憶昔同年翰墨場  
一自分襟多歲月  
相逢滿眼是淒涼  
推賢有愧韓安國  
論舊唯存盛孝章  
所嘆謬遊東閣下  
看君無計出恓惶

送周魯儒赴舉詩

晝居外次晨門曰  
有九疑生持一刺來  
謁立西階

以須生危冠方袂淺拱舒拜且前致辭稱贊其文  
頗涉獵前言居五六日復袖來益引古事以相劇  
切與之言能言其得姓因家之所自暨縣道鄉亭  
之風俗望山名水之槩狀羅含所未記朱贛之未  
條咸得之於生由是始列於賓籍臨觴而司斟觀  
博而竄言有日矣初邑中人聞有生來而二千石  
客之駢然來觀遷客裴御史遇生於坐抵掌曰人  
固有類類而族殊者周生疑羅玠也衆咸輟然而

熟視生疑也愈甚夫形似古所有也優孟似叔敖而楚君欲以為相人殊而顏肖猶或欲用之玠生於衡山而生生於九疑其似誠匹也無乃躡其武升後造仕旬服佐君藩為御史乎古文人無避事即有而書之尚實也行李之貺則徵夫詩曰

宋日滎陽內史孫因家占得九疑村童心便有愛書癖  
手指今餘把筆痕自握虵珠辭白屋欲憑雞卜謁金門  
若逢廣坐一作問羊酪從此知名在一言

送曾璩歸越中舊隱詩

余為連州諸生以進士書刺者浩不可紀獨曹生  
崖然自稱為山夫及與語以徵其實則曰所嗜者  
名嘗遠遊以索之抗喉舌舐梅脍以干東諸侯見  
之日率莞然曰秀才者天下是不禮庸何傷今方  
依名山以揚其聲將挂幘於南嶽生之言未及休  
余遽曰在已不在山若子之言依山而為高是練  
神叩寂捐日月而不顧名聞而老至持是焉用生

聞言愀然如悔色見於眉睫因留止道士院從余  
求書以觀居三時而功倍一歲讀史書自皇帝至  
吳魏間班班能言之然而絕口不敢言衡山知山  
夫不販而贏也十一月告余歸隱於會稽且曰知  
求名之自矣乞詞以發之遂賦七言詩以鑒其志  
行盡瀟湘萬里餘少逢知己憶吾廬數間茅屋閉臨水  
一盞秋燈夜讀書地遠何當隨計吏策成終自詣公車  
剡中若問連州事唯有千山畫不如

白鷹

毛羽編攔白紵裁馬前擎出不驚猜輕拋一點入雲去  
喝殺三聲掠地來綠玉觜攢雞腦破玄金爪擘兔心開  
都緣解搦生靈物所以人人道俊哉

御定全唐詩卷三百六十一

欽定四庫全書

御定全唐詩卷三百六十二

劉禹錫

送工部張侍郎入蕃弔祭

時張兼  
修史

月窟賓諸夏雲官降

一作  
向

九天飾終鄰好重錫命禮容

全水咽猶登隴沙鳴

一作  
明

稍極邊路因乘驛近志為飲

冰堅毳帳差池見烏旗搖曳前歸來賜金石榮耀自編年

早秋送臺院楊侍御歸朝

兄弟四人遍歷  
諸科二人同省

仙樹揀華春當時已絕倫  
今朝丹闕下更入白眉人  
重振高陽族分居要路津  
一門科第足五府辟一作郡書頻  
驚鳥得秋氣法星懸火旻  
聖朝寰海靜所至不埋輪

送陸侍御歸淮南使府五韻

用年字

江左重詩篇陸生名久傳  
鳳城來已熟羊酪不嫌羶  
歸路芙蓉府離堂玳瑁筵  
泰山呈臘雪隋柳布新年  
曾忝

揚州薦因君達短牋

時段丞相鎮揚州嘗辱表薦

送令狐相公自僕射出鎮南梁

夏木正陰成戎裝出帝京沾襟辭闕淚回首別鄉情雲  
樹褒中路風煙漢上城前旌轉谷去後騎踏橋聲久一作

又領駕行重無嫌虎綬一作節輕終提一麾去一作當持一筆再

入福一作副蒼生

奉送裴司徒令公自東都留守再命太原本封晉國

公兩任相

去十六年

星使出關東兵符賜上公山河歸舊國管籥換離宮行  
色旌旗動軍聲鼓角雄愛棠餘故吏騎竹見新童漢壘

三秋靜胡沙萬里空其如天下望旦夕詠清風

海陽湖別浩初師

并引

瀟湘間無土山無濁水民乘是氣往往清慧而文  
長沙人浩初生既因地而清矣故去葷洗慮別顛  
毛而壞其衣居一都之殷易與士會得執外教盡  
捐苛禮自公侯守相必賜其清問耳目灌注習浮  
於性而里中兒賢適與浩初比者嬰冠帶褻妻子  
吏得以乘凌之汨沒天慧不得自奮莫可望浩初

之清光於侯門上坐第自吟羨而已浩初益自多  
其術尤勇於近達者而歸之往年之臨賀唁侍郎  
楊公留歲餘公遺以七言詩手筆於素前年省柳  
儀曾於龍城又為賦三篇皆章書今復來連山以  
前所得雙南金出於祕亟請余賡之按師為詩頗  
清而奕棊至第三品二道皆足以取幸於士大夫  
宜熏餘習以深入也會吳郡以山水冠世海陽又  
以竒甲一州師慕道於泉石為篤故攜之以嬉及

言旋復引與共載於湖上奕於樹石間以植沃州  
之因緣宜賦詩具道其事

近郭看

一作有

殊境獨遊常解懽逢君駐縉錫觀貌稱林

巒湖滿景方霽野香春未闌愛泉移席近聞石輟棊看

風止松猶韻花繁露未

一作晚

乾橋形出樹曲巖影落池

寒

湘東架險凡四橋山下出泉逗巖為池泓澄可愛者不可徧舉故狀其境以貽好事

別路千嶂

裏

一作峯外

詩情暮雲

一作雨

端他年買山處似此得隳官

許給事見示哭工部劉尚書詩因命同作

從叔望出

河間

漢室賢王後孔門高第人濟時成國器樂道任天真特  
達圭無玷堅貞竹有筠總戎寬得衆市義貴能貧護塞  
無南牧馳心拱北辰乞身來闕下賜告卧漳濱榮耀初  
題劔清羸已拖紳官星徒列位隙日不回輪自昔追飛  
侶今為侍從臣素絃哀已絕青簡歎猶新未遂揮金樂  
空悲撤瑟晨淒涼竹林下無復見清塵

從叔自渭北節  
度以疾歸朝此

及拜尚書竟  
不充中謝

武陵書懷五十韻 并序

按天官書武陵當翼軫之分其在春秋及戰國時皆楚地後為秦惠王所并置黔中郡漢興更名曰武陵東徙於今治所常林義陵記云初項籍殺義帝於郴武陵人曰天下憐楚而興今吾王何罪乃見殺郡民縞素哭於招屈亭高祖聞而異之故亦曰義陵今郡城東南亭舍其所也晉宋齊梁間皆以分王子弟事存於其書永貞元年余始以尚書

外郎出補連山守道貶為是郡司馬至則以方志  
所載而質諸其人民顧山川風物皆騷人所賦乃  
具所聞見而成是詩因自述其出處之所以然故  
用書懷為目云

西漢開支郡南朝號戚藩四封當列宿百雉俯清沅高  
岸朝霞合驚湍激箭奔積陰春暗度將霽霧先昏俗尚  
東皇祀謠傳義帝冤桃花迷隱跡棟一作練葉慰忠魂戶

算資漁獵鄉豪恃子孫照山畬火動踏月俚歌喧擁櫂

舟為市連薨竹覆軒披沙金粟見拾羽翠翹翻茗折蒼

溪秀蘋生枉渚暄

一作妍

禽驚

一作鳴

格磔起魚戲噉喙繁

按本草經曰鷓鴣聲如鉤輻格磔者是也

沈約臺榭故李衡墟落存

隱侯臺木奴洲

竝在

湘靈悲鼓瑟泉客泣酬恩露變薰葭浦星懸橘柚村

虎咆空野震鼉作滿川渾鄰里皆遷客兒童習左言炎

天無冽井霜月見芳蓀清白家傳遠詩書志所敦列科

叨甲乙從宦出丘樊結友心多契馳聲氣尚吞士安曾

重賦元禮許登門草檄嫖姚幕巡兵戍已屯築臺先自

隗送客獨留髡遂結王畿綬來觀衢室罇鳶飛入鷹隼  
魚目儷璵璠曉燭羅馳道朝陽闕帝昏王正會夷夏月  
朔盛旗旛獨立當瑤闕傳呵步紫垣按章清犴獄視祭  
潔蘋繁御歷曷期遠傳家寶祚蕃繇文光夏啟神教畏  
軒轅內禪因天性雄圖授化元繼明懸日月出震統乾  
坤大孝三朝備洪恩九族惇百川宗渤澥五岳輔崑崙  
何幸逢休運微班識至尊校緡資筦榷復土奉山園時以  
本官判度支鹽鐵一失貴人意徒聞太學論直廬辭錦

等兼崇陵使判官

帳遠守愧朱幡巢幕方猶燕搶榆尚笑鯤遭迴過荆楚  
流落感涼溫旅望花無色愁心醉不愜春江千里草暮  
雨一聲猿問卜安冥數看方理病源帶賒衣改制塵澀  
劍成痕三秀悲中散二毛傷虎賁來憂禦魑魅歸願牧  
雞豚就日秦京遠臨風楚奏煩南登無灞岸旦夕上高  
原

早秋集賢即事

時為  
學士

金數已三伏火星正西流樹含秋露曉閣倚碧天秋灰

瑄應新律銅壺添夜籌商飈從朔塞爽氣入神州蕙草

香書殿槐花點御溝

一作樓

山明真色見水靜

一作淨

濁烟

收早歲忝華省再來成白頭幸依羣玉府末

一作有

路尚

一作向瀛洲

奉和吏部楊尚書太常李卿二相公策免後即

事述懷贈答十韻

文雅關西族衣冠趙北都有聲真漢相無類勝隋珠當

軸龍為友臨池鳳不孤九天開內殿百辟

一作拜

看晨趨

誠滿澄歌罷成功別大鑪餘芳在公論積慶是神扶步  
武離台席徊翔集帝梧銓材秉秦鏡典樂去齊竽瀟灑  
風塵外逢迎詩酒徒唯應待華誥一作皓更食一作入萬錢

厨

晚歲登武陵城顧望水陸悵然有作

星象承烏翼蠻陬想犬牙俚人祠竹節仙洞閉桃花城

基

一作塞

歷漢魏江源自實巴華表廖王墓

一作塚

菜地黃

瓊家霜輕菊秀晚石淺水紋斜樵音繞故壘汲路明寒

沙清風稍改葉盧橘始含葩野橋過驛騎叢祠發迥笳  
跳鱗避舉網倦鳥寄行楂路塵高出樹山火遠連霞夕  
曛轉赤岸浮靄起蒼葭軋軋渡水漿連連赴林鴉叫閤  
道非遠賜環期自賒孤臣本危涕喬木在天涯

罷郡歸洛陽寄友人

遠謫年猶少初歸鬢已哀門閤故吏去室靜老僧期不  
見蜘蛛集頻為佞一作欺穎微囊未出寒甚谷難吹  
獲落唯心在平生有已知商歌夜深後聽者竟為誰

經伏波神祠

蒙蒙篔簹竹下有路上壺頭漢壘磨鯨鬪蠻溪霧雨愁懷  
人敬遺像閱世指東流自負霸王略安知思澤侯鄉園  
辭石柱筋力盡炎洲一以功名累翻思馬少游

和汴州令狐相公到鎮改月偶書所懷

二十  
二韻

受賑新梁苑和羹舊傳巖援毫動星宿垂釣取韜鈴赫  
奕三川至歡呼百姓瞻綠油貔虎擁青紙鳳皇銜外壘  
曾無警中厨亦罷監推誠人自服去殺令逾嚴赴赴容

皆飾幡幡口盡鉗為兄憐庾翼選塔得蕭咸鬱屈咽喉  
地駢臻水陸兼度橋鳴紺慙入肆颺雲帆端月當中氣  
東風應遠占管絃喧夜景燈燭掩寒蟾酒每傾三雅書  
能發百函詞人羞布鼓遠客獻貂襜歌榭白團扇舞筵  
金縷衫旌旗遙一簇烏履近相攬花樹當朱閣晴河逼  
翠簾衣風飄鬣鬣燭淚滴嶢巖玉笋虛頻易金爐暖更  
添映環窺艷艷隔袖見纖纖謝傳何由接桓伊定不凡  
應憐郡齋老旦夕鑷霜髯

遙賀

一作和

白賓客分司初到洛中戲呈馮尹

西辭望苑去東占洛陽才度嶺無愁思看山不懶來冥  
鴻何所慕遼鶴乍飛迴洗竹通新逕攜琴上舊臺塵埃  
長者轍風月故人杯聞道龍門峻還因上客開

白侍郎大尹自河南寄示池北新葺水齋即事  
招賓十四韻兼命同作

公府有高政新齋池上開再吟佳句後一似畫圖來結  
構疎林下黃緣曲岸隈綠波穿戶牖碧甃疊瓊瓌幽異

當軒滿清光繞砌迴潭心澄晚鏡渠口起晴雷瑤草綠  
堤種松烟上島栽遊魚驚撥刺浴驚喜毡毳為客烹林  
笋因僧採石苔酒餅常不罄書案任成堆簷外青雀舫  
坐中鸚鵡杯蒲根抽九節蓮萼捧重臺芳訊此時到勝  
遊何日陪共譏吳太守自占洛陽才

和令狐相公謝太原李中寄蒲桃

珍果出西域移根到北方昔年隨漢使今日寄梁王上  
相芳緘至行臺綺席張魚鱗含宿潤馬乳帶殘霜染指

鉛粉膩滿喉甘露香醞成十日酒味敵五雲漿咀嚼停  
金盞稱嗟響畫堂慙非末至客不得一枝嘗

和令狐相公玩白菊

家家菊盡黃梁國獨如霜瑩靜真琪樹分明對玉堂仙  
人披雪氎素女不紅妝粉蝶來難見麻衣拂更香向風  
搖羽扇含露滴瓊漿高艷遮銀井繁枝覆象牀桂叢慙  
竝發梅蘂妬先芳一入瑤華詠從茲播樂章

令狐相公見示新栽蕙蘭二章之什兼命同作

上國庭前草移來漢水潯朱門雖易地玉樹有餘陰艷  
彩凝還泛清香絕復尋光華童子佩柔軟美人心惜晚  
含遠思賞幽空獨吟寄言知音者一奏風中琴

和令狐相公南齋小燕聽阮咸

阮巷久蕪沈四絃有遺音雅聲發蘭室遠思含竹林座  
絕衆賓語庭移芳樹陰飛觴助真氣寂聽無流心影似  
白團扇調諧朱絃琴一毫不平意幽怨古猶今

和令狐相公九日對黃白二菊花見懷

素萼迎寒秀金英帶露香繁華照旄鉞榮盛

一作茂

對銀

黃琮璧交輝映衣裳雜彩章晴雲遙蓋覆秋蝶近悠揚  
空想逢九日何由陪一觴滿叢佳色在未肯委嚴霜

令狐僕射與余投分素深縱山川脩阻然音問  
相繼今年十一月僕射疾不起聞予已承訃書

寢門長慟後日有使者兩輩持書并詩計其日  
時已是卧疾手筆盈幅翰墨尚新律詞一篇音  
韻彌切收淚握管以成報章雖廣陵之絃於今

絕矣而蓋泉之感猶庶聞焉焚之總帳之前附  
於舊編之末

前日寢門慟至今悲有餘已嗟萬化盡方見八行書滿  
紙傳相憶裁詩怨索居危絃音有絕哀玉韻由虛忽歎  
幽明異俄驚歲月除文章雖不朽精魄竟焉如零淚霑  
青簡傷心見素車悽涼從此後無復望雙魚

和樂天閒園獨賞八韻前以蜂鶴拙句寄呈今  
辱蝸蟻妍詞見答因成小巧以取大咍

永日無人事芳園任興行陶廬樹可愛潘宅雨新晴傅  
粉琅玕節熏香菡萏莖榴花裙色好桐子藥丸成柳蠹  
枝偏亞桑空葉再生睢盱欲鬪雀索漠不言鶯動植隨  
四氣飛沈含五情搶榆與水擊小大強為名

奉和裴令公新成綠野堂即書

藹藹鼎門外澄澄落水灣堂皇臨綠野坐卧看青山位  
極却忘貴功成欲愛閒官名司管籥心術去機關禁苑  
凌晨出園花及露攀池塘魚拔刺竹逕鳥綿蠻志在安

瀟灑嘗經歷險艱高情方造適衆意望徵還好客交珠  
履華筵舞玉顏無因隨賀燕翔集畫梁間

三月三日與樂天及河南李尹奉陪裴令公泛

洛禊飲各賦十二韻

洛下令修禊羣賢勝會稽盛筵陪玉鉉通籍盡金閨波  
上神仙妓岸傍桃李蹊水嬉如鷺振歌響雜鶯啼歷覽  
風光好汭洄意思迷擢歌能儷曲墨客競分題翠幄連  
雲起香車向道齊人誇綾步障馬惜錦障泥塵暗宮墻

外霞明苑樹西舟形隨鷁轉橋影與虹低川色晴猶遠  
鳥聲暮欲棲唯餘踏青伴待月魏王堤

樂天少傅五月長齋廣延緇徒謝絕文友坐成  
睽間因以戲之

五月長齋戒深居絕送迎不離通德里便是法王城舉  
目皆僧事全家少俗情精修無上道結念未來生賓閣  
緇衣占書堂信鼓鳴戲童為塔象啼鳥學經聲忝用青  
菰一作蒲角葵承玉露烹馬家供蕙苾劉氏餉蕪菁暗網

籠歌扇流塵晦酒鐙不知何次道作佛幾時成

酬樂天晚夏閑居欲相訪先以詩見貽

池榭堪臨泛脩然散鬱陶步因驅鶴緩吟為聽蟬高林  
密添新竹枝低緹晚挑酒醅晴易熟藥圃夏頻薈老是  
班行舊閑為鄉里豪經過更何處風景屬吾曹

酬樂天醉後狂吟十韻

來章有移家  
惟醉和之句

散誕人間樂逍遙地上仙詩家登逸品釋氏悟真筌制  
誥留臺閣歌詞入管絃處身於木雁任世變桑田吏隱

情兼遂儒玄道兩全八闕齋適罷三雅興尤偏文墨中

年舊松筠晚歲堅魚書曾替代香火有因緣

陸法和云與梁元帝

於空王寺佛前訂香火因緣

欲向醉鄉去猶為色界牽好吹揚柳曲

為我舞金鈿

牛相公見示新什謹依本韻次用以抒下情

劇韻韻篇至因難始見能雨天龍變化晴日鳳騫騰遊  
海驚何極聞韶素不曾愜心時拊髀擊節日麾肱符彩  
添隄墨波瀾起剡藤揀金光熠熠累壁勢層層珠媚多

藏賈花撩欲定僧封來真寶物寄與媿文明已老無時

疾

時洛中時癘多傷少年

長貧望歲登崔羅秋寂寂蟲翅曉薨薨

羸驥方辭絆虛舟已絕絙榮華甘死別健羨亦生憎玉  
柱琤璫韻金觥電凸稜何時良宴會促膝對華燈

奉和中書崔舍人八月十五日夜翫月二十韻

暮景中秋爽陰靈既望圓浮

一作騰

精離

一作浮

碧海分照

接虞淵迴見孤輪出高從倚蓋旋二儀含皎澈萬象共  
澄鮮整御當西陸舒光麗上玄

一作絃

從星變風雨順日

助陶甄遠近同時望晶熒此夜偏運行調玉燭潔白應

金天曲沼疑瑤鏡通衢若象筵逢人盡冰雪遇景

一作境

即神仙引素吞銀漢凝清洗綠煙皋禽警露下鄰杵思

風前水是還珠浦山成種玉田劔沈三尺影燈罷九枝

然象外形無迹寰中影有

一作自

遷稍當雲闕正未映斗

城懸靜對揮宸翰閔臨褱彩牋境同牛渚

一作浦

上宿在

鳳池邊興掩尋安道詞勝命仲宣從今紙貴後不復詠

陳篇

奉和淮南李相公早一作暮秋即事寄成都武相

公

八柱共承天東西別隱然遠夷爭慕化真相故臨邊竝

進夔龍位仍齊龜鶴年相公詩有齊年並進之句同心舟已濟造膝

壁常聯對領專征寄遙持造物權斗牛添氣色井絡靜

氛煙獻可通三畧分甘出萬錢漢南趨節制趙一作淮北

賜山川玉帳觀渝舞虹旌獵楚田步嫌雙綬重夢入九

城偏秋雨一作興一作與離情動新詩一作樂府傳聆音還竊

扑不覺撫么

一缺絃李中書自揚州見  
么字絃示詩本因命仲和

元和癸巳歲仲秋詔發江陵偏師問罪蠻徼後  
命宣慰釋兵歸降凱旋之辰率爾成詠寄荆南

嚴司空

蠻水阻朝宗兵符下渚宮前籌得上策無戰已成功漢

使星飛入夷心草偃同歌

一作  
韻

謠開竹棧拜舞戢

一作  
擲

桑弓就日知冰釋投人念鳥窮網羅三面解章奏九門

一作  
重通卉服聯操袂雕題盡鞠躬降幡秋練白驛騎畫

塵紅火號休傳警機橋罷亘空登山不見虜振旆自生  
風江遠烟波淨軍回氣色雄佇看聞喜後金石賜元戎

御定全唐詩卷三百六十二

欽定四庫全書

御定全唐詩卷三百六十三

劉禹錫

和李六侍御文宣王廟釋奠作

歎息魯先師生逢周室卑有心律天道無位救陵夷  
歷聘不能用領徒空爾為儒風正禮樂旅

一作旋又作易

象入著

龜西狩非其應中都安足施世衰由我賤泣下為人悲  
遺教光文德興王叶夢期土田封後胤冕服飾虛儀鐘

鼓膠庠薦牲牢郡邑祠聞君喟然嘆偏在上丁時

和竇中丞晚入容江作

漢郡三十六鬱林東南遙人倫選清臣天外頌詔條桂  
水步秋浪火山凌霧朝分圻辨風物入境聞謳謠莎岸  
見長亭煙林隔麗譙日落舟益駛川平旗自飄珠浦遠  
明滅金沙晴動搖一吟道中作離思懸層霄

南海馬大夫見惠著述三通勒成四帙上自邃  
古達於國朝采其菁華至簡如富欽受嘉貺詩

以謝之

紅旗閱五兵絳帳領諸生  
味道輕鼎食退公猶筆耕  
青箱傳學遠金匱納書成一瞬見前事  
九流當抗行編蒲曾苦思  
垂竹媿無名今日承芳訊  
誰言贈袞榮

和楊侍郎初至郴州紀事書情題郡齋八韻

旌節下朝臺分圭從北回  
城頭鶴立處驛樹鳳栖來

蘇軾

傳云後化為仙鶴止城東北隅樓上又州北樓鳳驛圖經云常有威鳳降於庭梧也  
舊路芳塵在

新恩驛騎催里閭風偃草  
鼓舞林成雷吏散山禽嚙庭

香夏蕊開郡齋堪四望壁記有三台人訝徵黃晚文非  
弔屈原一吟梁甫曲知是卧龍才

和東川王相公新漲驛池八韻

今日池塘上初移造物權苞藏成別島  
泓濁致清漣變化生言下蓬瀛落眼前  
泛觴驚翠羽開幕對紅蓮遠寫風光入  
明含氣象全渚煙籠驛樹波日漾賓筵  
曲岸留緹綺中流轉綵船無因接元禮  
共載比神仙

酬楊八庶子喜韓吳興與余同遷見贈

依本韻  
次用

早遇聖明朝，鳳行登九霄。

吳興與余中外兄弟

文經傳武仲，酒逼

蓋寬饒，捨矢同瞻鵠。常筵共饗臬。

吳興與余同年判入等第

琢磨三

益重唱和，五音調。臺栢煙常起，池荷香暗飄。

吳興與余同為御史

臺門外有蓮池也

星文辭北極，旗影度東遼。

吳興自度支郎中出為行軍司馬所

從即范僕射昔范明交為度遼將軍

直道由來黜浮名，豈敢要三湘與百

越雨散，又雲搖。遠守慙侯籍，徵還荷詔條。穎容唯舌在

別恨幾魂銷。滿眼悲陳事，逢人少舊僚。煙霞為老伴，蒲

柳任先凋。虎綬懸新印，龍舡理去橈。斷腸天北郡，攜手

洛陽橋幢蓋今雖貴  
弓旌會見招其如草  
玄客空宇久寥寥

和兵部鄭侍郎省中四松詩十韻

松是中書相  
公任侍郎時

栽

右相歷中臺移松武庫  
栽紫茸抽組綬青實長  
玫瑰便有干霄勢看成  
構厦材數分天柱半影  
逐日輪回蕩賞台階去  
新知谷口來息陰常仰  
望翫境一作  
意幾襄徊翠

粒晴懸露蒼鱗雨起苔  
凝音助瑤瑟飄藥泛金  
壘月桂

花

一作光

遙燭星榆葉對開終須似雞樹榮茂近昭回

酬鄭州權舍人見寄十二韻

朱戶凌晨啟碧梧含早涼人從桔秩至書到漆沮傍  
杼會因佳句情深取斷章愜心同笑語入耳勝笙簧憶昔

三條路居鄰數仞牆

舍人舊宅光福里時叅東鄰

學堂青玉案綠服

紫羅囊麟角看成就龍駒見抑揚  
轂中飛一箭雲際落

雙鶴

舍人一舉登科又判入等第

甸邑叨前列天臺媿後行

鄙人離渭南主

簿十年舍人方尉此邑及罹譴謫重入南宮為禮部郎中舍人方任考功員外  
鯉庭傳事業雞

樹遂翺翔書殿連鳩鵲神池接鳳凰追遊蒙尚齒惠好

結中腸

鄙人在集賢與西掖接近日夕追遊

鍛翮方擡舉危根易損傷一

麾憐棄置五字借恩光

鄙人出牧姑蘇舍人草制

汝海崆峒秀濤流

芍藥芳風行能偃草境靜不爭桑

鄙人轉臨汝舍人牧滎陽

轉旆趨

關右頌條匝渭陽病吟猶有思老醉已無狂塵滿鴻溝

道沙驚白狄鄉佇聞黃紙詔促召紫微郎

和牛相公題姑蘇所寄太湖石兼寄李蘇州

震澤生竒石沈潛得地靈初辭水府出猶帶龍宮腥發

自江湖國來榮卿相庭從風夏雲勢上漢古查形拂拭  
魚鱗見鑑鏘玉韻聆煙波含宿潤苔蘚助新青嵌穴胡  
鷓貌纖銜蟲篆銘孱顏傲林薄飛動向雷霆煩熱近還  
散餘醒見便醒凡禽不敢息浮塏莫能停靜稱垂松蓋  
鮮宜映鶴翎忘憂常目擊素尚與心冥眇小欺湘燕團  
圓笑落星徒然想融結安可測年齡採取詢鄉耆搜求  
按舊經垂鉤入空隙隔浪動晶熒有獲人爭賀歡謠衆  
共聽一州驚閱寶千里遠揚舲覩物洛陽陌懷人吳御

亭寄言垂天翼早晚起滄溟

浙西李大夫述夢四十韻并浙東元相公酬和

斐然繼聲

位是才能取時因際會遭羽儀呈鸞鷲鏗刃試豪曹洛

下推年少山東許地高門承金鉉鼎家有玉璜韜

呂仍  
嗣侯

海浪扶鵬翅天風引驥髦便知蓬閣闕不識魯衣襃興

發春塘草魂交益部刀形開猶抱膝燭盡遽揮毫昔仕

當初筮逢時詠載橐懷鈆辨蟲蠹染素學鷲毛車騎方

休汝歸來欲效陶

大夫罷太原  
從事歸京師

南臺資謬諤內署選風

騷羽化如乘鯉棲居舊冠鼇美香焚濕麝名果賜乾菊

議赦蠅棲筆邀歌蟻泛醪代言無所戲謝表自稱叨蘭

焰凝芳澤芝泥瑩玉膏對頰聲價出直久夢魂勞草詔

令歸馬批章答獻葵銀花懸院榜翠羽映簾條諷諫欣

然納竒觚率爾操禁中時諤諤天下免忉忉左顧龜成

印雙飛鵠織袍謝賓綠地密潔已是心豪五日思歸沐

三春羨衆邀茶爐依綠筍碁局就紅桃溟海桑潛變陰

陽炭暗熬仙成脫屣去臣戀捧弓號建節辭烏栢宣風  
看鷺濤土山京口峻鐵瓮郡城宇曲島花千樹官池水  
一篙鶯來和絲管鳳起拂麾旄宛轉傾羅扇回旋墮玉  
搔罰籌長豎蠹觥盞樣如舫山是千重障江為四面濠  
卧龍曾得雨浙東孤鶴尚鳴臯浙西劍用雄開匣二弓閑蟄  
受弣自謂鳳姿嘗在竹二鷄羽不離蒿自謂吳越分雙鎮東  
西接萬艘今朝比潘陸江海更滔滔

和浙西李大夫伊川卜居

早八八元數嘗承三接恩飛鳴天上路鎮壓海西門清

望寰中許高情物外存時來誠不讓歸去每形言洛下

思招隱江干厭作藩按經修道具依樣買山村

馬高唐為御史

大夫將置宅命畫工圖其狀戒所使曰依此樣求之開鑿隨人化幽陰為律暄遠

移難得樹立變舊荒園絕塞通潛徑平泉占上原煙霞

遙在想簿領益為繁丹禁虛東閣蒼生望北轅徒令雙

白鶴五里自翩翻

省試風光草際浮

熙熙春景霽草綠春光麗的歷亂相鮮歲蕤互虧蔽乍  
疑芊綿裏稍動丰茸際影碎翻崇蘭浮香轉叢蕙含煙  
絢碧綵帶露如珠綴幸因採掇日况此臨芳歲

歷陽書事七十韻

并引

長慶四年八月余自夔州轉歷陽浮岷山觀洞庭  
歷夏口涉潯陽而東友人崔敦詩罷丞相鎮宛陵  
緘書來招曰必我覲而之藩不十日飲不置子故  
余自池州道宛陵如其素敷詩出祖於敬亭祠下

由姑孰西渡江乃吾園也至則考圖經參見事為  
之詩俟采風之夜諷者

一夕為湖地千年列郡名霸王迷路處亞父所封城漢  
置東南尉梁分肘腋兵本吳風俗剽蕪楚語音傖沸井

今無湧烏江舊有名土臺遊柱史石室隱彭鏗

老君適楚有臺

在馬彭鏗石室在含山縣曹操祠猶在濡須塢未平海潮隨月大江

水應春生憶昨深山裏終朝看火耕魚書來北闕鷓首  
下南荆雲雨巫山暗蕙蘭湘水清章華樹已失鄂渚草

來迎廬阜香爐出溢城粉堞明鴈飛彭蠡暮鴉噪大雷  
晴平野分風使恬和趁夜程貴池登陸峻春穀渡橋鳴  
駱驛主人問悲歡故舊情幾年方一面卜晝便三更助  
喜杯盤盛忘機笑語旬管清疑警鶴弦巧似嬌鶯熾炭  
烘蹲獸華茵織鬪鯨回裾飄霧雨急節墮瓊英歛黛凝  
愁色施鈿耀翠晶容華本南國妝束學西京日落方收  
鼓天寒更炙笙促筵交履舄痛飲倒簪纓謔浪容優孟  
嬌憐許智瓊蔽明添翠帶命燭柱一作金莖坐久羅衣

皺盃頰粉面駢興來從請曲意墮即飛觥令急重須改  
歡馮醉盡呈詰朝還選勝來日又尋盟道別殷勤惜邀  
筵次第爭唯聞嗟短景不復有餘醒衆散局朱戶相攜  
話素誠晤言猶疊疊殘漏自丁丁出祖千夫擁行厨五  
熟烹離亭臨野水別思入哀箏接境人情洽方冬饌具  
精中流為界道隔岸數飛甍沙浦王渾鎮滄洲謝眺城  
望夫人化石夢帝日環營半渡趨津吏緣堤簇郡忙場  
黃堆晚稻籬碧見冬菁里社爭來獻壺漿各自擎鷓夷

傾底寫妝粧鬪成

缺一字

采石風傳析新林暮擊鉦繭綸

牽撥刺犀焰照澄泓露冕觀原野前驅抗旆旌分庭展  
賓主望闕拜恩榮比屋惇嫠輩連年水旱并遐思常後  
已下令必先庚遠岫低屏列支流曲帶縈湖魚香勝肉  
官酒重於餉憶昔泉源變斯須地軸傾雞籠為石顛龜  
眼入泥坑事繫人風重官從物論輕江春俄澹蕩樓月  
幾虧盈柳長千絲宛田塍一線緝遊魚將婢從野雉見  
媒驚波淨攢息鵲洲香發杜蘅一鍾菰葑米千里水葵

羹受譴時方久分憂政未成比瓊雖碌碌於鐵尚錚錚  
早忝登三署曾聞奏六英無能甘負弩不慎在提衡口  
語成中邁毛衣阻上征時聞關利鈍智亦有聾盲昔媿  
山東妙今慙海內兄後來登甲乙早已在蓬瀛心托秦  
明鏡才非楚白珩齒衰親藥物宦薄傲公卿捧日皆元  
老宣風盡大彭好令朝集使結束赴新正

和武中丞秋日寄懷簡諸僚故

退朝還公府騎吹息繁陰吏散秋庭寂烏啼煙樹深威

生奉白簡道勝外華簪風物清遠目功名懷寸陰雲衢  
念前侶綠翰寫冲襟涼菊照幽徑敗荷攢碧潯感時江  
海思報國松筠心空愧壽陵步芳塵何處尋

和令狐相公春日尋花有懷白侍郎閣老

芳菲滿雍州鸞鳳許同遊花逕須深入時光不少留色  
鮮由樹嫩枝亞為房稠靜對仍持酒高看特上樓晴宜  
連夜賞雨便一年休共憶秋官處餘霞曲水頭

御定全唐詩卷三百六十三

欽定四庫全書

集部

御定全唐詩卷三百六十五

詳校官庶吉士臣胡鈺

主事銜臣徐以坤覆勘

總校官知縣

臣

繆

琪

校對官學正

臣

李

巖

謄錄監生

臣

任嘉春

欽定四庫全書

御定全唐詩卷三百六十四

劉禹錫

荊州歌二首

渚宮楊柳暗麥城朝雉飛可憐踏青伴乘暖著輕衣  
今日好南風商旅相催發沙頭檣竿上始見春江濶

紀南歌

風煙紀南城塵土荊門路天寒多獵騎

一作獵獸者

走上樊

姬墓

視刀環歌

常恨言語淺不如人意深今朝兩相視脈脈萬重心

三閣辭四首

吳聲

貴人三閣上日晏未梳頭不應有恨事嬌甚却成愁

珠箔曲瓊鉤仔

一作子

細見揚州北兵那得度浪話判

一作

語聲悠悠

沉香帖閣柱金縷畫門

一作閣

楮回首降幡下已見黍離

離

三人出胥井一身登檻車朱門漫臨水不可

一作得

見鱸

魚

紇那曲二首

楊柳鬱青青竹枝無限情周

一作同

郎一回顧聽唱紇那

聲

踏曲興無窮調同詞不同願郎千萬壽長作主人翁

淮陰行五首

并引

古有長干行言三江之事悉矣余嘗阻風淮陰作  
淮陰行以裨樂府

簇簇淮陰市竹樓緣岸上好日起檣竿烏飛鷺五兩  
今日轉船頭金烏指西北煙波與春草千里同一色

船頭大銅鑼摩挲光陣陣早早

一作晚

使風

一作使風

來沙頭

一眼認

何物令儂羨羨郎船尾燕銜泥趁檣竿宿食長相見

隔浦望行船頭昂尾憶憶無奈晚來

一作桃菜

時清淮春浪

軟

渾侍中宅牡丹

徑尺千餘朶人間有此花今朝見顏色更不向諸家

詠红柿子

曉連星影出晚帶日光懸本因遺采掇

一作摘

翻自保天

年

呂八見寄郡內書懷因而戲和

文苑振金聲循良冠百城不知今史氏何處列君名

秋風引

何處秋風至蕭蕭送鴈羣朝來入庭樹孤客最先聞

柳花詞三首

開從綠條上散逐香風遠故取花落時悠揚占春晚  
輕飛不假風輕落不委地撩亂舞晴空發人無限思  
晴天閣閣雪來送青春暮無意似多情千家萬家去

路傍曲

南山宿雨晴春入鳳凰城處處聞弦管無非送酒聲

君山懷古

屬車八十一此地阻長風千載威靈盡楮山寒水中

庭竹

露滌鉛粉節風搖青玉枝依依似君子無地不相宜

唐郎中宅與諸公同飲酒看牡丹

今日花前飲甘心醉數杯但愁花有語不為老人開

題壽安甘棠館二首

公館似仙家池清竹徑斜山禽忽驚起衝落半巖花

門前洛陽道門裏桃花路塵土與烟霞其間十餘步

古詞二首

一作  
諷古

軒后初冠冕前旒為蔽明安知從複道然後見人情  
簿領乃俗士清談信古風吾觀蘇令綽朱墨一何工

寓興二首

常談即至理安事非常情寄語何平叔無為輕老生  
世途多禮數鵬鷃各逍遙何事陶彭澤拋官為折腰

詠史二首

驃騎非無勢，少卿終不去。世道劇頽波，我心如砥柱。  
賈生明王道，衛綰工車戲。同遇漢文時，何人居貴位。

經檀道濟故壘

萬里長城壞，荒營野草秋。秣陵多士女，猶唱白符鳩。

史云

當時人歌曰：可憐白符鳩，枉殺檀江州。

傷段右丞

江湖舊游，南宮交代。

江海多豪氣，朝廷有直聲。何言馬蹄下，一旦是佳城。

傷獨孤舍人

并引

貞元中余以御史監祠事河南獨孤生始仕為奉  
禮郎有事宗廟郊時必與之俱繇是甚熟及余謫  
武陵九年間獨孤生仕至中書舍人視草禁中上  
方許以宰相元和十年春余祇召抵京師次都亭  
日舍人以疾不起余聞因作傷詞以為弔

昔別矜

一作公

年少今悲喪國華遠來同社燕不見早梅

花

再傷龐尹

京兆歸何處章臺空暮塵可憐鸞鏡下哭殺畫眉人

敬酬微一作公見寄二首

淒涼沃州僧顛顛柴桑宰別來二十年唯餘兩心在  
越江千里鏡越嶺四時雪中有逍遙人夜深觀水月

鄂渚留別李二十一表臣大夫

高檣起行色促柱動離聲欲問江深淺應如遠別情

答表臣贈別二首

昔為瑤池侶飛舞集蓬萊今作江漢別風雪一徘徊

嘶馬立未還行舟路將轉江頭暝色深揮袖依稀見

始發鄂渚寄表臣二首

祖帳管弦絕客帆西風生回車已不見猶聽馬嘶聲  
曉發柳林戍遙城聞五鼓憶與故人眠此時猶晤語

出鄂州界懷表臣二首

離席一揮杯別愁今尚醉遲遲有情處却恨江帆駛  
夢覺疑連榻舟行忽千里不見黃鶴樓寒沙雪相似

和遊房公舊竹亭聞琴絕句

尚有竹間路永無綦下塵一聞流水曲重憶餐霞人

西州李尚書知愚與元武昌有舊遠示二篇吟

之泫然因以繼和二首

來詩云元公今陳從事求蜀琴將以為寄而武

昌之訃聞因  
陳生會葬

如何贈琴日已是絕弦時無復雙金報空餘掛劍悲

寶匣從此閒

一作  
閒

朱弦誰復調祇應隨玉樹同向土中

銷

### 別蘇州二首

三載為吳郡臨岐祖帳開雖非謝祭黠且為一裘回  
流水閭門外秋風吹柳條從來送客處今日自魂銷

罷和州遊建康

秋水清無力寒山暮多思官閒不計程徧上南朝寺

九日登高

世路山河險君門煙霧深年年上高處未省不傷心

答柳子厚

年方伯玉早恨比四愁多會待休車騎相隨出尉羅

館娃宮在舊郡西南硯石山前瞰姑蘇臺傍有  
采香徑梁天監中置佛寺曰靈巖即故宮也信  
為絕境因賦二章

宮館貯嬌娃當時意大誇豔傾吳國盡笑入越王家  
月殿移椒壁天花代舜華唯餘采香徑一帶繞山斜

御定全唐詩卷三百六十四